



UNIVERSITÄTS-
BIBLIOTHEK
PADERBORN

Universitätsbibliothek Paderborn

Ephemeris Ecclesiastica Concionatorvm Hoc Est Considerationes Methodicæ Sev Veritates Practicæ

Ex Vita Domini Jesu, Sanctorumque Gestis In Singulos anni dies mira
facilitate & solertia distributæ ... ; Cum indicibus necessariis

Pars Verna - A Dominica Septuagesimæ, ad Dominicam SS. Trinitatis

Haineuve, Julien

Coloniæ Agrippinæ, 1665

Nemo cum Christo candidus, nisi sit simul rubicundus. Nemo effectu
candidus, nisi sit affectu rubicundus. Nemo actu satis purus, nisi actum
puritatis suo sit paratus tueri sanguine, contra quodvis ...

urn:nbn:de:hbz:466:1-44214

DOMINICA PASSIONIS.

Vexilla Regis prodeunt.

SI qui horum Regis nostri vexillorum, quæ modò apertius prodeunt, expressi colores pingi aut fingi animo possunt, Candor, & Rubor dicendi sunt, juxta illud Cantorum, *Cant. 5.* Dilectus meus candidus & rubicundus. Id est, simul est Innocens & Patiens. Talis enim nobis decebat, inquit Apostolus, ut esset Pontifex sanctus, immaculatus, impollutus, segregatus à peccatoribus, excelsior cælis factus. Neque nos aliter sua redemit passione, quam quia passus est Innocens seu innocenter, citra omnem culpam. Neque nobis aliter in Exemplar ad imitandum proponitur, quàm ut innocenter Patiens, & patienter Innocens; ut nos ita discamus pati.

Quamobrem hodie simul ac de illius Passione memoria celebrior excitatur, de illius etiam innocentia singularis habetur mentio, verbâque ipsa quibus olim ipse Dominus suâ apud Judæos vitæ probabat integritatem, nobis exhibentur: *Mat. 23.* Quis ex vobis arguet me de peccato. Quasi nobis aperta voce diceretur, non est satis Christiano pati, nisi patiatur innocens & innocenter: sicut nec illi sufficit esse innocentem, nisi libenter pro Christo patriatur, & pro sua etiam facta recta conservanda vitæ innocentia. Quod saluberrimum documentum, ut altius animis nostris infigatur, sic visa est ante alias, hæc Practica Veritas proponenda:

Nemo cum Christo candidus, nisi sit simul rubicundus.

Nemo effectus candidus, nisi sit affectu rubicundus.

Nemo actu satis purus, nisi actum puritatis suo sit paratus tueri sanguine, contra quodvis peccatum.

RATIO EST, Quia nemo est actu satis purus, nisi dum, actu resistendum est occurrenti cuius

peccato sic resistat, aut sic resistere sit paratus, quantum quidem cum Gratia potest & debet. Sed nemo est sic paratus quantum potest & debet, nisi sit paratus ad effundendum propterea sanguinem, si sit opus.

Ergo nec actu est satis purus, nisi actum puritatis suo sit paratus tueri sanguine contra quodvis peccatum, quod idem est ac, Nemo cum Christo candidus nisi sit simul rubicundus.

I. P U N C T U M.

DE singulari vitæ innocentia, quam dicunt Impeccabilitatem, & quam omnes ita de Christo prædicant ut nullo profus modo peccare potuerit, fusus dici possit; Nec omittendum quantis vel a dversariorum omnium testimonio comprobetur.

En proditor Judas palàm se peccasse confitetur tradens sanguinem justum. En omnes subornati testes convincuntur falsi testimonii. Judex nullam in eo profus invenit mortis causam. Centurio & qui cum illo erant crucifigentes eum, revertuntur percutientes pectora sua, & dicentes: Verè hic homo justus erat. Quid certius ad Innocentiam, quàm cū inimici sunt iudices? Sic singulariter justus & sanctus sanctorum à Prophetis dicebatur Christus, *Hoc est nomen, quod vocabunt eum, Dan. 9.*

Domini, Justus noster, id est, qualem poteramus expetere, ut esset nostra Redemptio, nostrumque Exemplar sanctitatis conservanda. Quod ut propius imitemur, sic oportet cū illo esse candidos, ut simul etiam eum illo simus rubicundi, neque enim aliter Candor sine rubore servari potest; Nemo aliter candidus, id est, amans puritatis probari potest, nisi sit rubicundus; id est, nisi sit paratus ad effundendum potius sanguinem, quam sui candorem animi vel minima peccati labe coinquinari sinat.

Quod

Quod quia plurimum facit ad verius exprimendam in nobis Dominicæ Passionis Imaginem, idcirco paulo attentius in ea Veritate pendenda nos immorari convenit. Sic itaque declaratur: Nemo verè dici potest candidus, nisi qui verè amat eam puritatem, quæ omni peccato repugnat: nemo verè dici potest hanc verè amare puritatem, nisi sit paratus illam tueri & peccato resistere, quantum quidem cum gratia potest & debet, nam talis amor puritatis est voluntas fuma, constans, & efficax non peccandi, aut nisi talis sit voluntas, non est talis amor puritatis, qualis hic intelligitur. Quid est verò efficacem habere voluntatem non peccandi, nisi sic esse paratum peccato resistere, ut nihil eorū pro-

mois potius subeat quam peccetur.

Atque hic est literalis & germanus sentus verborum Domini: *Qui non accipit crucem suam Mat. 10. & sequitur me, non est me dignus: qui amat animam suam, perdet eam: & similibus Christi dictorum, quæ sic explicat sanctus Augustinus: cum ergo causa articulus venerit, ut hac conditio Tr. 51. in preponatur, aut faciendum esse contra Dei preceptum, aut de hac vita emigrandum, quorum duorum homo si cogatur alterum eligere, comminante mortem persecutore: ibi eligat Deo dilecto emori, quam offenso vivere: ibi oderit in hoc mundo animam suam, ut in vitam æternam custodiat eam. Itane odisti? itane odiendo custodis animam? felices qui oderunt custodiendo, ne perdant amando.*

III. PUNCTUM.

NEMO igitur potest esse cum Christo candidus, nisi sit simul rubicundus, Quo sensu dictum est, neminem posse verè dici amare puritatem illā, quæ omni peccato repugnet, nisi sit ita paratus contra omne pugnare peccatum, ut nec sanguini parcat nec vitæ; quia hoc est solum verè velle, si, quod debes, facias; hoc autem tam verè debes, quam verè Deum debes diligere super omnia, & ex toto corde tuo. *Qui diligit Dominum odite malum. Ps. 94. PRO iustitia agonizare pro anima tua: & usque Ecclesi. 4. ad mortem certa pro iustitia. MELIVS est enim mihi absque opere incidere in manus vestras, quam peccare in conspectu Domini. Sic cum casta Susanna dicendum esset in quacunque peccandi occasione. Quam verò pauci tales! Sat quidem multi mortem, quæ procul abest, videntur non timere, qui tamen aliquod malum sensibile sic reformidant, ut peccare malint quam se illis pœnis exponere! Nec dicant, quod si de fide ageretur non sibi parcerent; nam ubi de peccato vitando agitur, perinde quodammodo censeretur quantum ad fugam peccati, sicut si de fide res esset. Nam & revera de fide est, subeunda potius quævis esse damna quam peccato consentiendum: & cum propterea paratus ad mortem animus ab unoquoque petitur, petitur simul paratus ad alia quævis, quæ sunt morte leviora. Quam in rem revocanda huc Veritas quæ in 1. parte, ubi de sanctis Martyribus, proponitur.*

V

Sicut

II. PUNCTUM.

SED nisi quis sit paratus peccato resistere usque ad sanguinem, non est paratus ei resistere quantum potest, & quantum debet. Sic aperit Apostolus, *Recogitate eum, qui talem sustinuit à peccatoribus adversum semetipsum contradictionem, ut ne fatigemini animis vestris deficientes: nondum enim usque ad sanguinem resististis, adversus peccatum repugnantes: quasi id manifestè diceret, nondum fecistis, quod debetis facere contra peccatum, nisi usque ad sanguinis effusionem, & ad ipsam usque mortem contra pugnetis. Hoc enim debetis facere pro Christo & pro animabus vestris, quod ipse Christus propterea fecit, nō quod mortem adire debeatis, sed si mortis subeunda vel peccandi occasio se obtulerit:.*